

特56

178

書經

改正東條點

地

第十二百一號
共廿一冊

周書

泰誓上

泰太同

越及也

言多早反誠也

涵面善反

破彼皮反

炙之石反剗口胡反剔他歷反孕養證反

肅敬將行也肅更端之辭

愷音俊改也

訂正音訓

書經下

惟十有三年春大會于孟津王曰嗟我友邦冢
 君越我御事庶士明聽誓惟天地萬物父母惟
 人萬物之靈曾聰明作元后元后作民父母今
 商王受弗敬上天降災下民沈湎冒色敢行暴
 虐罪人以族官人以世惟宮室臺榭陂池侈服
 以殘害于爾萬姓焚炙忠良剗剔孕婦皇天震
 怒命我文考肅將天威大勳未集肆予小子發
 以爾友邦冢君觀政于商惟受罔有愷心乃夷

案音咨

佑助也

度徒洛反

祗音支敬也

底致也矜憐也

居弗事上帝神祇遺厥先宗廟弗祀犧牲粢盛
 既于凶盜乃曰吾有民有命罔懲其侮天佑下
 民作之君作之師惟其克相上帝寵綏四方有
 罪無罪予曷敢有越厥志同力度德同德度義
 受有臣億萬惟億萬心予有臣三千惟一心商
 罪貫盈天命誅之予弗順天厥罪惟鈞予小子
 夙夜祗懼受命文考類于上帝宜于冢土以爾
 有衆底天之罰天矜于民民之所欲天必從之
 爾尚弼予一人永清四海時哉弗可失

泰誓中

次止也徇循也

播放也羸力私
反昵女也反
况具反矜虛業
反羸音孤羸音
喻呼也穢於廢
反

辟君若順也

淫過也

剝落也

又治重克勝

惟戊午王次于河朔羣后以師畢會王乃徇師
 而誓曰嗚呼西土有衆咸聽朕言我聞吉人爲
 善惟日不足凶人爲不善亦惟日不足今商王
 受力行無度播棄黎老昵比罪人淫酗肆虐臣
 下化之朋家作仇脅權相滅無辜顛天穢德彰
 聞惟天惠民惟辟奉天有夏桀弗克若天流毒
 下國天乃佑命成湯降黜夏命惟受罪淫于桀
 剝喪元良賊虐諫輔謂已有天命謂敬不足行
 謂祭無益謂暴無傷厥鑒惟不遠在彼夏王天
 其以予及民朕夢協朕卜襲于休祥戎商必克

訂正精別

書經

卷五

治也

受有億兆夷人。離心離德。予有亂臣十人。同心

同德。雖有周親。不如仁人。天視自我民視。天聽

自我民聽。百姓有過。在予一人。今朕必往。我武

惟揚。侵于之疆。取彼凶殘。我伐用張。于湯有光。

勗哉夫子。罔或無畏。寧執非敵。百姓懍懍。若崩。

厥角。嗚呼。乃一德一心。立定厥功。惟克永世。

泰誓下

時厥明王。乃大巡六師。明誓衆士。王曰。嗚呼。我

西土君子。天有顯道。厥類惟彰。今商王受。狎侮

五常。荒怠弗敬。自絕于天。結怨于民。削朝涉之

揚舉也

勗許王反勗也
懍力甚反

削側略反所也
脛形定反

割音口反痛音
吳反病也

屏音丙

祝斷時是也

孜音滋

洪大也

樹立誕大也

殄徒典反殄子
廉反迪蹈登成
辟君也

脛。割賢人之心。作威殺戮。毒痛四海。宗信姦回。

放黜師保。屏棄典刑。囚奴正士。郊社不修。宗廟

不享。作奇技淫巧。以悅婦人。上帝弗順。祝降時

喪。爾其孜孜。奉予一人。恭行天罰。古人有言曰。

撫我則后。虐我則讎。獨夫受洪。惟作威乃汝。世

讎。樹德務滋。除惡務本。肆予小子。誕以爾衆士。

殄殲。乃讎爾衆士。其尚迪果。毅以登乃辟。功多

有厚賞。不迪有顯戮。嗚呼。惟我文考。若日月之

照臨。光于四方。顯于西土。惟我有周。誕受多方。

予克受。非予武。惟朕文考。無罪。受克予。非朕文

考有罪。惟予小子無良。

牧誓

時甲子昧爽。王朝至于商郊牧野。乃誓。王左杖黃鉞。右秉白旄。以麾曰。逖矣。西土之人。王曰。嗟。我友邦冢君。御事司徒。司馬。司空。亞旅。師氏。千夫。長。百夫。長。及庸。蜀。美。鬯。微。盧。彭。濮。人。稱爾戈。比爾干。立爾矛。予其誓。王曰。古人有言曰。牝雞無晨。牝雞之晨。惟家之索。今商王受。惟婦言是用。昏棄厥肆。祀弗答。昏棄厥遺。王父母弟。不迪。乃惟四方之多罪逋逃。是崇。是長。是信。是使。是

昧音妹
鉞音越。旄音毛。麾許危反。逖他歷反。遠也。

羌起良反。鬯茂侯反。濮音卜。稱舉文。戟于楯也。

牝頻引反。索西各反。盡也。

肆陳答報。迪道也。

以用也。究音軌。

愆過也。

勗勉也。

貌音毗。

罷彼皮反。迓迎也。

旁步光反。魄音白反。

于爰也。哉音載。始也。

以為大夫。卿士。俾暴虐于百姓。以茲究于商邑。今予發。惟恭行天之罰。今日之事。不愆于六步。七步。乃止。齊焉。夫子勗哉。不愆于四伐。五伐。六伐。七伐。乃止。齊焉。勗哉。夫子。尚桓桓。如虎。如貔。如熊。如羆。于商郊。弗迓克奔。以役西土。勗哉。夫子。爾所弗勗。其于爾躬。有戮。

武成

惟一月壬辰。旁死魄。越翼日癸巳。王朝步自周。于征伐商。厥四月。哉生明。王來自商。至于豐。乃偃武。修文。歸馬于華山之陽。放牛于桃林之野。

駮音俊速也

邊音邊

暨及也

肇音兆始也

誕大也

膺當也

集就國致也

萃音醉聚也
音叟

砥敬也
遏烏末
反止絕也
豹亡

俾必爾
反從也
綏安也
隄音匪

昭孟子作紹

濟救羞辱也

逾亦作踰謂渡
也一本作渡誤
陳音塵

漂匹妙反
杵昌
呂反

賚音來賜也

示天下弗服丁未祀于周廟邦甸侯衛駿奔走
執豆邊越三日庚戌柴望大告武成既生魄庶
邦冢君暨百工受命于周王若曰嗚呼羣后惟
先王建邦啓土公劉克篤前烈至于太王肇基
王迹王季其勤王家我文考文王克成厥勳誕
膺天命以撫方夏大邦畏其力小邦懷其德惟
九年大統未集予小子其承厥志庶商之罪告
于皇天后土所過名山大川曰惟有道曾孫周
王發將有大正于商今商王受無道暴殄天物
害虐烝民為天下逋逃主萃淵藪予小子既獲

仁人敢祗承上帝以遏亂畧華夏變猶罔不率

俾恭天成命肆予東征綏厥士女惟其士女篚

厥玄黃昭我周王天休震動用附我大邑周惟

爾有神尚克相予以濟兆民無作神羞既戊午

師逾孟津癸亥陳于商郊俟天休命甲子昧爽

受率其旅若林會于牧野罔有敵于我師前徒

倒戈攻于後以北血流漂杵一戎衣天下大定

乃反商政政由舊釋箕子囚封比干墓式商容

間散鹿臺之財發鉅橋之粟大賚于四海而萬

姓悅服列爵惟五分土惟三建官惟賢位事惟

能重民五教。惟食喪祭。惇信明義。崇德報功。垂拱而天下治。

今考定武成

惟一月壬辰。旁死魄。越翼日癸巳。王朝步自周。于征伐商。底商之罪。告于皇天后土。所過名山。大川曰。惟有道。曾孫周王發。將有大正于商。今商王受無道。暴殄天物。害虐烝民。為天下逋逃。主萃淵藪。予小子既獲仁人。敢祗承上帝。以遏亂略。華夏蠻貊。罔不率俾。惟爾有神。尚克相予。以濟兆民。無作神羞。既戊午。師逾孟津。癸亥陳

于商郊。俟天休命。甲子昧爽。受率其旅。若林會于牧野。罔有敵于我師。前徒倒戈。攻于後。以北海流漂杵。一戎衣。天下大定。乃及商政。政由舊。釋箕子囚。封比干墓。式商容閭。散鹿臺之財。發鉅橋之粟。大賚于四海。而萬姓悅服。厥四月。哉生明。王來自商。至于豐。乃偃武修文。歸馬于華山之陽。放牛于桃林之野。示天下弗服。既生魄。庶邦冢君暨百工。受命于周。丁未祀于周廟。邦甸侯衛駿奔走。執豆蓬。越三日庚戌。柴望。大告武成。王若曰。嗚呼。羣后。惟先王建邦啓土。公劉

克駕前烈至于太王肇基王迹王季其勤王家
 我文考文王克成厥勳誕膺天命以撫方夏大
 邦畏其方小邦懷其德惟九年大統未集予小
 子其承厥志恭天成命肆予東征綏厥士女惟
 其士女篚厥玄黃昭我周王天休震動用附我
 大邑周列爵惟五分土惟二建官惟賢位事惟
 能重民五教惟食喪祭悼信明義崇德報功垂
 拱而天下治

洪範

惟十有三祀王訪于箕子王乃言曰嗚呼箕子

一音陟升也相
 助協合也
 之反常也
 因塞也
 反亂也
 與也
 敗也
 錫賜也
 陳列
 工
 怨
 反

農濃通厚也

又治也

爰於也史記作
 白臧音咸鹽味

惟天陰隲下民相協厥居我不知其彝倫攸叙
 箕子乃言曰我聞在昔鯀陞洪水汨陳其五行
 帝乃震怒不畀洪範九疇彝倫攸叙則殛死
 禹乃嗣興天乃錫禹洪範九疇彝倫攸叙○初
 一曰五行次二曰敬用五事次三曰農用八政
 次四曰協用五紀次五曰建用皇極次六曰乂
 用三德次七曰明用稽疑次八曰念用庶徵次
 九曰嚮用五福威用六極○一五行一曰水二
 曰火三曰木四曰金五曰土水曰潤下火曰炎
 上木曰曲直金曰從革土爰稼穡潤下作鹹炎

也

哲孔本鄭本並
作哲釋文之舌
反史記作智蔡
本作哲

皇君建立時是
也斂力丹反收
也敷布錫與也

而汝也好呼報
反

聖音扁

蓋進圓盛也

穀善也

辜音孤罪也于
於也

陂音祕

惡鳥路反

平音辯

曰起語辭

上作苦由直作酸從革作辛稼穡作甘○二五
事一曰貌二曰言三曰視四曰聽五曰思貌曰
恭言曰從視曰明聽曰聰思曰睿恭作肅從作
又明作哲聰作謀睿作聖○三八政一曰食二
曰貨三曰祀四曰司空五曰司徒六曰司寇七
曰賓八曰師○四五紀一曰歲二曰月三曰日
四曰星辰五曰歷數○五皇極皇建其有極斂
時五福用敷錫厥庶民惟時厥庶民于汝極錫
汝保極凡厥庶民無有淫朋人無有比德惟皇
作極凡厥庶民有猷有為有守汝則念之不協

于極不罹于咎皇則受之而康而色曰予攸好
德汝則錫之福時人斯其惟皇之極無虐烝獨
而畏高明人之有能有為使羞其行而邦其昌
凡厥正人既富方穀汝弗能使有好于而家時
人斯其享于其無好德汝雖錫之福其作汝用
咎無偏無陂遵王之義無有作好遵王之道無
有作惡遵王之路無偏無黨王道蕩蕩無黨無
偏王道平平無及無側王道正直會其有極歸
其有極曰皇極之敷言是彝是訓于帝其訓凡
厥庶民極之敷言是訓是行以近天子之光曰

慶息協反和也
辟君也

願普多反
念反他得友

釋子細反
工反音亦

衍以淺反推也
忒差也

天子作民父母以為天下主。○六三德。一曰正
直。二曰剛克。三曰柔克。平康正直。彊弗友。剛克
爰友。柔克沉潛。剛克高明。柔克惟辟。作福惟辟
作威惟辟。王食臣無有。作福作威。王食臣之有
作福作威。王食其害于而家。凶于而國。人用側
頗僻。民用僭忒。○七稽疑。擇建立。卜筮人乃命
卜筮。曰雨。曰霽。曰蒙。曰肆。曰克。曰貞。曰悔。凡七
卜五。占用二衍忒。時人作卜筮。三人占則從
二人之言。汝則有大疑。謀及乃心。謀及卿士。謀
及庶人。謀及卜筮。汝則從。龜從。筮從。卿士從。庶
民從。是之謂大同。身其康彊。子孫其逢吉。汝則

陽音陽
燠音郁
燠音煩
無甫反

民從。是之謂大同。身其康彊。子孫其逢吉。汝則
從。龜從。筮從。卿士逆。庶民逆。吉。卿士從。龜從。筮
從。汝則逆。庶民逆。吉。庶民從。龜從。筮從。汝則逆。
卿士逆。吉。汝則從。龜從。筮逆。卿士逆。庶民逆。作
內吉。作外凶。龜筮共違于用。靜吉。用作凶。○
八庶徵。曰雨。曰暘。曰燠。曰寒。曰風。曰時。五者來
備。各以其叙。庶草蕃廡。一極備。凶。一極無。凶。曰
休徵。曰肅。時雨若。曰乂。時暘若。曰哲。時燠若。曰
謀。時寒若。曰聖。時風若。曰咎。徵曰狂。恒雨若。曰
僭。恒暘若。曰豫。恒燠若。曰急。恒寒若。曰蒙。恒風

新正新刊

若曰王省惟歲。卿士惟月。師尹惟日。歲月日時。無易百穀。用成乂用明。俊民用章。家用平康。日月歲時既易。百穀用不成。乂用昏不明。俊民用微。家用不寧。庶民惟星。星有好風。星有好雨。日月之行則有冬有夏。月之從星則以風雨。○九五福。一曰壽。二曰富。三曰康寧。四曰攸好德。五曰考終命。六極。一曰凶短折。二曰疾。三曰憂。四曰貧。五曰惡。六曰弱。

旅葵

惟克商遂。通道于九夷八蠻。西旅底貢。厥葵太

葵五羔反

考成也

替廢也

展厚也

貞正也

格至也

矜矜持之矜不
輕忽也行下孟

保乃作旅葵。用訓于王。曰嗚呼。明王慎德。四夷咸賁。無有遠邇。畢獻方物。惟服食器用。王乃昭德之致于異姓之邦。無替厥服。分寶至于伯叔之國。時庸展親。人不易物。惟德其物。德盛不狎侮。狎侮君子。罔以盡人心。狎侮小人。罔以盡其力。不役耳目。自度惟貞。玩人喪德。玩物喪志。志以道寧。言以道接。不作無益。害有益。功乃成。不貴異物。賤用物。民乃足。犬馬非其土性。不畜珍禽。奇獸不畜于國。不寶遠物。則遠人。格所寶。惟賢則邇。人安嗚呼。夙夜罔或不勤。不矜細行。終

詩音其貴

反

累大德為山九仞功虧一簣允迪茲生民保厥居惟乃世王

騰徒登反

金滕

既克商二年王有疾弗豫一公曰我其為王穆

戚千歷反憂也
功事也

卜周公曰未可以戚我先王公乃自以為功為

禪音善植置也

三壇同禪為壇於南方北面周公立焉植璧秉

禱工豆反遇也

珪乃告太王王季文王史乃冊祝曰惟爾元孫

若順也考父也

某遭厲虐疾若爾三王是有丕子之責于天以

且代某之身予仁若考能多材多藝能事鬼神

乃元孫不若且多材多藝不能事鬼神乃命于

帝庭敷佑四方用能定爾于孫于下地四方之

民罔不祗畏嗚呼無墜天之降寶命我先王亦

卽乃也洛誥大誥皆同

永有依歸今我卽命于元龜爾之許我我其以

屏藏也

璧與珪歸俟爾命爾不許我我乃屏璧與珪乃

習重也籒籒通

卜三龜一習吉啓籒見書乃并是吉公曰體王

其罔害予小子新命于三王惟永終是圖茲攸

俟能念予一人公歸乃納冊于金滕之匱中王

勅留反又音聊愈也
喪息浪反

翼日乃瘳○武王既喪管叔及其羣弟乃流言

於國曰公將不利於孺子周公乃告一公曰我

之弗辟我無以告我先王周公居東二年則罪

辟讀為避

詩正音詩

鸛尺夷反鸛呼

嬌反

人斯得于後公乃為詩以貽王名之曰鸛鳴王

亦未敢請公○秋大熟未獲天大雷電以風禾

盡偃大木斯拔邦人大恐王與大夫盡弁以啓

金滕之書乃得周公所自以為功代武王之說

二公及王乃問諸史與百執事對曰信噫公命

我勿敢言王執書以泣曰其勿穆卜昔公勤勞

王家惟予冲人弗及知今天動威以彰周公之

德惟朕小子其新逆我國家禮亦宜之王出郊

天乃雨及風禾則盡起二公命邦人凡大木所

偃盡起而築土之歲則大熟

大誥

馱發語辭越及也

也甲恤也不甲天猶言無情之

害洪大也天也割馬本作

已發語辭

馱布賈彼義反龜也下大寶龜

是也說詳于盤庚下國字句用字屬下看

越反也龜尺允反也與反厚也誕大疵病也

王若曰馱大誥爾多邦越爾御事弗弔天降割于我家不少延洪惟我幼冲人嗣無疆大歷服弗造哲迪民康矧曰其有能格知天命已予惟小子若涉淵水予惟往求朕攸濟敷責敷諭前人受命茲不忘大功予不敢閉于天降威用寧王遺我大寶龜紹天明即命曰有大艱于西土西土人亦不靜越茲蠢殷小腆誕敢紀其叙天降威知我國有疵民不康曰予復及鄙我周邦今蠢今翼百民獻有十夫予翼以于救寧武圖功

訂正新訓 書經下

寧武曰寧考曰
寧王曰寧人皆
指武王而言
更語辭不可訓
故

曰字管下二十
七字蔡說可從

考翼叔父也言
父之佐翼也下
考翼同
害易也

印五剛反我也

愆音祕慎也戒
也

替廢也

闕秘通幽深也
如闕宮之闕

斐忱句斐芳鬼
反輔也忱市林
反信也羅字當
連下看圖成也

昔謂寧王伐商
時

音細初耕地
也

救亡婢反安也

我有大事休朕卜并吉肆予告我友邦君越尹
氏庶士御事曰予得吉卜予惟以爾庶邦于伐
殷通播臣爾庶邦君越庶士御事罔不久曰艱
大民不靜亦惟在王宮邦君室越予小子考翼
不可征王害不違下肆予冲人永思艱曰嗚呼
允蠢繇寡哀哉予造天役遺大投艱于朕身越
予冲人不印自恤義爾邦君越爾多士尹氏御
事綏予曰無怙于恤不可不成乃寧考圖功已
予惟小子不敢替上帝命天休于寧王興我小
邦周寧王惟卜用克綏受茲命今天其相民矧

亦惟卜用嗚呼天明畏弼我不丕基王曰爾惟
舊人爾丕克遠省爾知寧王若勤哉天闕愆我
成功所予不敢不極卒寧王圖事肆予大化誘
我友邦君天斐忱辭其考我民予曷其不干前
寧人圖功攸終天亦惟用勤愆我民若有疾予
曷敢不干前寧人攸受休畢王曰若昔朕其迓
朕言艱日思若考作室既底法厥子乃弗肯堂
矧肯構厥父蓄厥子乃弗肯播矧肯穫厥考翼
其肯曰予有後弗棄其肆予曷敢不越印救寧
王大命若兄考乃有友及伐厥子民養其勸弗救

哉之上。一本有告字。今從之。疏本蔡本並無。今據孔傳。孔疏則當時所傳本猶有告字。而後世失之。決矣。明也。

僭差也

王曰。嗚呼。肆告哉。爾庶邦君。越爾御事。夾邦由哲。亦惟十人。迪知上帝命。越天棗。忱爾時罔敢易法。矧今天降戾于周邦。惟太艱人誕鄰胥伐于厥室。爾亦不知天命不易。予永念曰。天惟喪殷。若稽天子。曷敢不終朕畝。天亦惟休于前寧人。予曷其極。卜敢弗于從。率寧人有指疆土矧今。卜并吉。肆朕誕以爾東征。天命不僭。卜陳惟若茲。

微子之命

王若曰。猷。殷王元子。惟稽古崇德。象賢統承先

誕大也

猷道也

猷饗庸用也

尹治也

弘大律範也

毗輔式法也

敷厭也

王修其禮物。作賓于王家。與國咸休。永世無窮。嗚呼。乃祖成湯。克齊聖廣淵。皇天眷佑。誕受厥命。撫民以寬。除其邪虐。功加于時。德垂後裔。爾惟踐修厥猷。舊有令聞。恪慎克孝。肅恭神人。予嘉乃德。曰篤不忘。上帝時歆。下民祇協。庸建爾于上公。尹茲東夏。欽哉。往敷乃訓。慎乃服命。率由典常。以蕃王室。弘乃烈祖。律乃有民。永綏厥位。毗予一人。世世享德。萬邦作式。俾我有周。無斁。嗚呼。往哉。惟休。無替朕命。

康誥

土事也

庸常也不訓作
用字

怙音戶冒覆也

禮壹計反

勗許王反勉力也

今下或本脫治
字舊本有通音
律遵也述也
衣服行也

考音狗

惻勑動及痛也
痼古頑及病也
畏威通

服事應和也

典常式用也式
爾用意之貌

適偶也適爾偶
然也

惟三月哉生魄。周公初基，作新大邑于東國洛。四方民大和會，侯甸男邦采衛，百工播民和。見士于周。周公咸勤，乃洪大誥治。王若曰：孟侯，朕其弟，小子封。惟乃丕顯考，文王克明德，慎罰，不敢侮鰥寡。庸庸，敕敕，威威，顯民。用肇造我區夏，越我一二邦，以修我西土。惟時怙冒，聞于上帝。帝休天乃大命文王，殪戎殷，誕受厥命。越厥邦厥民，惟時叙乃寡兄。勗肆汝小子封，在茲東土。王曰：嗚呼！封，汝念哉！今治民將在此，適乃文考。紹聞衣德言，往敷求于殷先哲。王用保乂民，汝

丕遠，惟商考成人宅心，知訓別求，聞由古先哲。王用康保民，弘于天，若德裕乃身，不廢在王命。王曰：嗚呼！小子封，惻惻乃身，敬哉！天畏棗忱，民情大可見，小人難保。往盡乃心，無康好逸豫。乃其乂民，我聞曰：怨不在大，亦不在小，惠不惠，懋不懋，已。汝惟小子，乃服惟弘，王應保殷民，亦惟助王宅天命，作新民。王曰：嗚呼！封，敬明乃罰，人有小罪，非眚，乃惟終自作不典，式爾，有厥罪小，乃不可不殺。乃有大罪，非終，乃惟眚災，適爾，既道極厥辜，時乃不可殺。王曰：嗚呼！封，有叙時，乃

勅戒勅也

劓魚器反則如志及

臬魚列反法也

蔽斷也

遜順也

宥音軌懲音敏孟于作閔懲徒對及惡也孟子作敬

鞠居六反養也鞠子謂弟猶言稚子也甲音的至也

憂簡八反轅也謂以法陵轅之也

大明服惟民其勅懋和若有疾惟民其畢棄咎

若保赤子惟民其康乂非汝封刑人殺人無或

刑人殺人非汝封又曰劓剕人無或劓剕人王

曰外事汝陳時臬司師茲殷罰有倫又曰要囚

服念五六日至于旬時不蔽要囚王曰汝陳時

臬事罰蔽殷彝用其義刑義殺勿庸以次汝封

乃汝盡遜曰時叙惟曰未有遜事已汝惟小子

未其有若汝封之心朕心朕德惟乃知凡民自

得罪寇攘姦宄殺越人于貨暨不畏死罔弗慙

王曰封元惡大憝矧惟不孝不友子弗祗服厥

父事大傷厥考心于父不能字厥子乃疾厥子

于弟弗念天顯乃弗克恭厥兄兄亦不念鞠子

哀夫不友于弟惟弔茲不于我政人得罪天惟

與我民彝大泯亂曰乃其速由文王作罰刑茲

無赦不率大戾矧惟外庶子訓人惟厥正人越

小臣諸節乃別播敷造民大譽弗念弗庸厥厥

君時乃引惡惟朕憝已汝乃其速由茲義率殺

亦惟君惟長不能厥家人越厥小臣外正惟威

惟虐大放王命乃非德用乂汝亦罔不克敬典

乃由裕民惟文王之敬忌乃裕民曰我惟有及

乃由裕民惟文王之敬忌乃裕民曰我惟有及

諱明迪道也

求等也

戾止也定也

不則無逸不則
盤庚不乃與此
同句法

肆更語之辭

則予一人以懌。王曰：封。爽。惟民迪吉。康我時。其
惟殷先哲。王德用康。乂民作求。矧今民罔迪。不
適。不迪則罔政。在厥邦。王曰：封。予。惟不可不監。
告汝德之說于罰之行。今惟民不靜。未戾厥心。
迪。屢未同。爽。惟天其罰。殛我。我其不怨。惟厥罪
無在大。亦無在多。矧曰其尚顯聞于天。王曰：嗚
呼。封。敬哉。無作怨。勿用非謀。非彝。蔽時。忱不則。
敏德用康。乃心顧乃德。遠乃猷。裕乃以民寧。不
汝瑕殄。王曰：嗚呼。肆汝小子。封。惟命不于常。汝
念哉。無我殄。享明乃服。命高乃聽。用康乂民。王

若曰：往哉。封。勿替敬典。聽朕告。汝乃以殷民世
享。

酒誥

王若曰：明大命于妹邦。乃穆考文王。肇國在西
土。厥誥。恣庶邦。庶士。越少正御事。朝夕曰：祀茲
酒。惟天降命。肇我民。惟元祀。天降威我民。用大
亂喪德。亦罔非酒。惟行。越小大邦。用喪。亦罔非
酒。惟辜。文王誥教小子。有正有事。無彝酒。越庶
國。飲惟祀。德將無醉。惟曰：我民迪小子。惟土物
愛。厥心。懃聽聽祖考之彝訓。越小大德。小子惟

肇始也

恣戒也

有二字發語彝
帝也

將行也

詞純大也

音古

洗先典反

於考老及君上也

介助也

徂往也

一妹土嗣爾股肱純其藝黍稷奔走事厥考厥

長肇牽車牛遠服賈用孝養厥父母厥父母慶

自洗腆致用酒庶士有正越庶伯君子其爾與

聽朕教爾大克羞者惟君爾乃飲食醉飽不惟

曰爾克永觀省作稽中德爾尚克羞饋祀爾乃

自介用逸茲乃允惟王正事之臣茲亦惟天若

元德永不忘在王家王曰封我西土裴徂邦君

御事小子尚克用文王教不腆于酒故我至于

今克受殷之命王曰封我聞惟曰在昔殷先哲

王迪畏天顯小民經德秉哲自成湯咸至于帝

乙成王畏相惟御事厥裴有恭不敢自暇自逸

矧曰其敢崇飲越在外服侯甸男衛邦伯越在

內服自僚庶尹惟亞惟服宗工越百姓里居罔

敢湎于酒不惟不敢亦不暇惟助成王德顯越

尹人祗辟我聞亦惟曰在今後嗣王酣身厥命

罔顯于民祗保越怨不易誕惟厥縱淫泆于非

彝用燕喪威儀民罔不盡傷心惟荒腆于酒不

惟自息乃逸厥心疾狠不克畏死幸在商邑越

殷國滅無罹弗惟德馨香祀登聞于天誕惟民

怨庶羣自酒腥聞在上故天降喪于殷罔愛于

辟法也

燕安也靈許力反傷痛也

狠胡懇反

罹音離憂也

撫循時此也

劫苦八反通作結堅也劫戒也

折音畿父音甫

辭法也

恤憂也潔也為句辭治也司職守之謂

殷惟逸天非虐惟民自速辜王曰封予不惟若
 茲多誥古人有言曰人無於水監當於民監今
 惟殷墜厥命我其可不大監撫于時予惟曰汝
 劫恣殷獻臣侯甸男衛矧太史友內史友越獻
 臣百宗工矧惟爾事服休服采矧惟若疇圻父
 薄違農父若保安父定辟矧汝剛制于酒厥或
 誥曰羣飲汝勿佚盡執拘以歸于周予其殺又
 惟殷之迪諸臣惟工乃涵于酒勿庸殺之姑惟
 教之有斯明享乃不用我教辭惟我一人弗恤
 弗繩乃事時同于殺王曰封汝典聽朕恣勿辯
 乃司民涵于酒

梓材

梓音子

歷轅通或云當作厲上文厲殺人

屬音蜀

也恬安也辟刑辟

也稽治也

王曰封以厥庶民暨厥臣達大家以厥臣達王
 惟邦君汝若恒越曰我有師師司徒司馬司空
 尹旅曰予罔厲殺人亦厥君先敬勞肆徂厥敬
 勞肆往姦宄殺人歷人宥肆亦見厥君事戕敗
 人宥王啓監厥亂為民曰無胥戕無胥虐至于
 敬寡至于屬婦合由以容王其效邦君越御事
 厥命曷以引養引恬自古王若茲監罔攸辟惟
 曰若稽田既勤敷蓄惟其陳修為厥疆畷若作

詩音韻訓

垣音袁壚音庸
匿許氣反茨在
私反

天輔也
式用儀和也

萬年為句

越若發語辭越
曰粵音通亮典
曰若同冊音斐
月三日明生之

名

攻治也

旅陳也

自乃御事周御
事也

室家既勤垣墉惟其塗墍茨若作梓材既動樸
斲惟其塗丹雘今王惟曰先王既勤用明德懷
為夾庶邦享作兄弟方來亦既用明德后式典
集庶邦丕享皇天既付中國民越厥疆土于先
王肆王惟德用和懌先後迷民用懌先王受命
已若茲監惟曰欲至于萬年惟王子子孫孫永
保民

召誥

惟二月既望越六日乙未王朝步自周則至于
豐惟太保先周公相宅越若來三月惟丙午朏
越三日戊申太保朝至于洛卜宅厥既得卜則
經營越三日庚戌太保乃以庶殷攻位于洛泝
越五日甲寅位成若翼日乙卯周公朝至于洛
則達觀于新邑營越三日丁巳用牲于郊牛二
越翼日戊午乃社于新邑牛一羊一豕一越七
日甲子周公乃朝用書命庶殷侯甸男邦伯厥
既命殷庶庶殷丕作太保乃以庶邦冢君出取
幣乃復入錫周公曰拜手稽首旅王若公誥告
庶殷越自乃御事嗚呼皇天上帝改厥元子茲
大國殷之命惟王受命無疆惟休亦無疆惟恤

丁巳年三月

事四下

〇二下

還終猶還棄也

深工頑及顯音
喻呼也

面奮也

時是格來也

誠言成和也

碧立巖嶮也

殷上古本有有
字
比親介助邁進
也

命嗣受命而嗣
位也

嗚呼曷其奈何弗敬天既遐終大邦殷之命茲
殷多先哲王在天越厥後王後民茲服厥命厥
終智藏瘝在夫知保抱攜持厥婦子以哀籲天
徂厥亡出執嗚呼天亦哀于四方民其眷命用
懋王其疾敬德相古先民有夏天迪從子保面
稽天若今時既墜厥命今相有殷天迪格保面
稽天若今時既墜厥命今冲子嗣則無遺壽考
曰其稽我古人之德矧曰其有能稽謀自天嗚
呼有王雖小元子哉其不能誠于小民今休王
不敢後用顧畏于民碧王來紹上帝自服于土

中且曰其作大邑其自時配皇天然祀于上下
其自時中又王厥有成命治民今休王先服殷
御事比介于我有周御事節性惟日其邁王敬
作所不可不敬德我不可不監于有夏亦不可
不監于有殷我不敢知曰有夏服天命惟有歷
年我不敢知曰不其延惟不敬厥德乃早墜厥
命我不敢知曰有殷受天命惟有歷年我不敢
知曰不其延惟不敬厥德乃早墜厥命今王嗣
受厥命我亦惟茲二國命嗣若功王乃初服嗚
呼若生子罔不在厥初生自貽哲命今天其命

哲命吉凶命歷年知今我初服宅新邑肆惟王
其疾敬德王其德之用祈天永命其惟王勿以
小民淫用非彛亦敢殄戮用乂民若有功其惟
王位在德元小民乃惟刑用于天下越王顯上
下勤恤其曰我受天命不若有夏歷年式勿替
有殷歷年欲王以小民受天永命拜手稽首曰
予小臣敢以王之讎民百君子越友民保受王
威命明德王末有成命王亦顯我非敢勤惟恭
奉幣用供王能祈天永命

洛誥

未終也

復白也明辟明
法也

胤繼也保安也
猶下文承保也

徑使也

視示也貞通作
偵問正為偵

秩序也

周公拜手稽首曰朕復子明辟王如弗敢及天
基命定命予乃胤保大相東土其基作民明辟
予惟乙卯朝至于洛師我卜河朔黎水我乃卜
澗水東澠水西惟洛食我又卜澠水東亦惟洛
食俘來以圖及獻卜王拜手稽首曰公不敢不
敬天之休來相宅其作周匹休公既定宅俘來
來視予卜休恒吉我二人共貞公其以予萬億
年敬天之休拜手稽首誨言周公曰王肇稱殷
禮祀于新邑咸秩無文予齊百工俘從王于周
予惟曰庶有事今王卽命日記功宗以功作元

行年緒則

其往之上一本有頓字(音)音豔

祀惟命曰汝受命篤弼不視功載乃汝其悉自
教工孺子其朋孺子其朋其往無若火始燄燄
厥攸灼叙弗其絕厥若彝及撫事如予惟以在
周工往新邑伴嚮卽有僚明作有功惇大成裕
汝永有辭公曰已汝惟冲子惟終汝其敬識百
辟享亦識其有不享享多儀儀不及物惟曰不
享惟不役志于享凡民惟曰不享惟事其爽侮
乃惟孺子頒朕不暇聽朕教汝于棗民彝汝乃
是不寢乃時惟不永哉篤叙乃正父罔不若予
不敢廢乃命汝往敬哉茲予其明農哉彼裕我

禮武剛反勉也習順也

辰至稱舉也

迂迎也衡平也文武為句

辟君也

亂治救安也

誕大也

已終也哉當以我為正

數厭也

民無遠用戾王若曰公明保予冲子公稱丕顯
德以予小子揚文武烈奉答天命和恒四方民
居師惇宗將禮稱秩元祀咸秩無文惟公德明
光于上下勤施于四方旁作穆穆迂衡不迷文
武勤教予冲子夙夜恣祀王曰公功棗迪篤罔
不若時王曰公予小子其退卽辟于周命公後
四方迪亂未定于宗禮亦未克救公功迪將其
後監我士師工誕保文武受民亂為四輔王曰
公定予往已公功肅將祗歡公無困哉我惟無
數其康事公勿替刑四方其世享周公拜手稽

孺子為句

師象孚信考成
刑法也單殫通
刑音巨
反音由
因音由
禮音

惠順也

厭飲考成也

醉息營反

逸史佚也

裸官喚反

弗弔旻天解見
大誥

弋取界與也

引導逸安也

首曰王命予來承保乃文祖受命民越乃光烈
考武王弘朕恭孺子來相宅其大惇典殷獻民
亂為四方新辟作周恭先曰其自時中又萬邦
咸休惟王有成績予旦以多子越御事篤前人
成烈答其師作周孚先考朕昭子刑乃單文祖
德伴來恣殷乃命寧予以秬鬯二卣曰明禋拜
手稽首休享予不敢宿則禋于文王武王惠篤
叙無有違自疾萬年厭于乃德殷乃引考王伴
殷乃承叙萬年其永觀朕子懷德戊辰王在新
邑烝祭歲又王駢牛一武王駢牛一王命作冊
逸祝冊惟告周公其後王賓殺禋成格王入太
室裸王命周公後作冊逸誥在十有二月惟周
公誕保文武受命惟七年。

多士

惟三月周公初于新邑洛用告商王士王若曰
爾殷遺多士弗弔旻天大降喪于殷我有周佑
命將天明威致王罰勅殷命終于帝肆爾多士
非我小國敢弋殷命惟天不畀允罔亂弼我
我其敢求位惟帝不畀惟我下民秉為惟天明
畏我聞曰上帝引逸有夏不適逸則惟帝降格

旬治也

洗音逸

靈善也

嚮于時夏弗克庸帝大淫泆有辭惟時天罔念
 聞厥惟廢元命降致罰乃命爾先祖成湯革夏
 俊民甸四方自成湯至于帝乙罔不明德恤祀
 亦惟天丕建保乂有殷殷王亦罔敢失帝罔不
 配天其澤在今後嗣王誕罔顯于天矧曰其有
 聽念于先王勤家誕淫厥泆罔顧于天顯民祇
 惟時上帝不保降若茲大喪惟天丕界不明厥
 德凡四方小大邦喪罔非有辭于罰王若曰爾
 殷多士今惟我周王丕靈承帝事有命曰割殷
 告勅于帝惟我事不貳適惟爾王家我適于其

時是也

其曰一作作又曰非

率由也

奄音淹命詰命也

遜順也

曰惟爾洪無度我不爾動自乃邑予亦念天卽
 于殷大戾肆不正王曰猷告爾多士予惟時其
 遷居西爾非我一人奉德不康寧時惟天命無
 違朕不敢有後無我怨惟爾知惟殷先人有冊
 有典殷革夏命今爾其曰夏迪簡在王庭有服
 在百僚予一人惟聽用德肆予敢求爾于天邑
 商予惟率肆矜爾非予罪時惟天命王曰多士
 昔朕來自奄予大降爾四國民命我乃明致天
 罰移爾遐逝比事臣我宗多遜王曰告爾殷多
 士今予惟不爾殺予惟時命有申今朕作大邑

幹事止居也

王曰又曰丁寧
反覆告之也

相視也

諛魚變反鄙語
也

于茲洛予惟四方罔攸賓亦惟爾多士攸服奔
走臣我多遜爾乃尚有爾士爾乃尚寧幹止爾
克敬天惟畀矜爾爾不克敬爾不啻不有爾士
予亦致天之罰于爾躬今爾惟時宅爾邑繼爾
居爾厥有幹有年于茲洛爾小子乃興從爾遷
王曰又曰時予乃或言爾攸居

無逸

周公曰嗚呼君子所其無逸先知稼穡之艱難
乃逸則知小人之依相小人厥父母勤勞稼穡
厥子乃不知稼穡之艱難乃逸乃諛既誕否則

廢法也

暨及也

亮陰或作諒闇

時是也

侮厥父母曰昔之人無聞知周公曰嗚呼我聞
曰昔在殷王中宗嚴恭寅畏天命自度治民祇
懼不敢荒寧肆中宗之享國七十有五年其在
高宗時舊勞于外爰暨小人作其即位乃或亮
陰三年不言其惟不言言乃雍不敢荒寧嘉靖
殷邦至于小大無時或怨肆高宗之享國五十
有九年其在祖甲不義惟王舊為小人作其即
位爰知小人之依能保惠于庶民不敢侮鰥寡
肆祖甲之享國二十有二年自時厥後立王生
則逸生則逸不知稼穡之艱難不聞小人之勞

既丁南反樂音洛

惟耽樂之從。自時厥後。亦罔或克壽。或十年。或七八年。或五六年。或四三年。周公曰。嗚呼。厥亦惟我周太王。王季。克自抑畏。文王。卑服。即康功。田功。徽柔。懿恭。懷保小民。惠鮮鰥寡。自朝至于日中。昃不遑暇。食用咸和。萬民文王。不敢盤于遊田。以庶邦。惟正之供。文王受命。惟中身。厥享國五十年。周公曰。嗚呼。繼自今。嗣王。則其無淫于觀。于逸。于遊。于田。以萬民。惟正之供。無皇曰。今日耽樂。乃非民攸訓。非天攸若。時人不則。有衍無若。殷王受之迷亂。酗于酒德。哉。周公曰。嗚呼。我聞曰。古之人。猶胥訓告。胥保惠。胥教誨。民無或胥。譴張為幻。此厥不聽。人乃訓之。乃變亂先王之正刑。至于小大。民否則厥心。違怨。否則厥口。詛祝。周公曰。嗚呼。自殷王中宗。及高宗。及祖甲。及我周文王。茲四人。迪哲。厥或告之。曰。小人怨汝。詈汝。則皇自敬德。厥愆。曰。朕之愆。允若時。不啻不敢含怒。此厥不聽。人乃或譴張為幻。曰。小人怨汝。詈汝。則信之。則若時。不永念厥辟。不寬綽厥心。亂罰無罪。殺無辜。怨有同。是叢于厥身。周公曰。嗚呼。嗣王。其監于茲。

皇大也與遑通
非訓法若順也
不則接又見康
詰猶盤庚丕乃
也况付反

省相也

譴竹求反幻音眩

詛側助反祝音死

迪蹈也

晉力智反

辭法也

叢聚也

君奭

越於也尤過也
逸於葛反佚音

周公若曰君奭弗弔天降喪于殷殷既墜厥命
我有周既受我不敢知曰厥基永孚于休若天
棗忱我亦不敢知曰其終出于不祥嗚呼君已
曰時我我亦不敢寧于上帝命弗永遠念天威
越我民罔尤違惟人在我後嗣子孫大弗克恭
上下遏佚前人光在家不知天命不易天難諶
乃其墜命弗克經歷嗣前人恭明德在今予小
子曰非克有正迪惟前人光施于我冲子又曰
天不可信我道惟寧主德延天不庸釋于文王

茲指道而言
實誠也
德稱德稱其職
也
辭法也

受命公曰君奭我聞在昔成湯既受命時則有
若伊尹格于皇天在太甲時則有若保衡在太
戊時則有若伊陟臣扈格于上帝坐咸又王家
在祖乙時則有若坐賢在武丁時則有若甘盤
率惟茲有陳保乂有殷故殷禮陟配天多歷年
所天惟純佑命則商實百姓王人罔丕秉德明
恤小臣屏侯甸矧咸奔走惟茲惟德稱用又厥
辟故一人有事于四方若卜筮罔不是孚公曰
君奭天壽平格保乂有殷有殷嗣天滅威今汝
永念則有固命厥亂明我新造邦公曰君奭在

尚猶也夏諸夏也統寡白反闕音宏

迪蹈蔑無也

有祿之有發聲

單盡也

收字屬上看

茲指道

猷謀也我字屬上看

告汝為句朕允保奭為一句

襲上成也

戲堪古通

式用也

昔上帝割申勸寧王之德其集大命于厥躬惟
 文王尚克修和我有夏亦惟有若號叔有若閔
 天有若散宜生有若泰顛有若南宮括又曰無
 能往來茲迪彝教文王蔑德降于國人亦惟純
 佑秉德迪知天威乃惟時昭文王迪見冒聞于
 上帝惟時受有殷命哉武王惟茲四人尚迪有
 祿後暨武王誕將天威咸劉厥敵惟茲四人昭
 武王惟冒丕單稱德今在予小子且若游大川
 予往暨汝奭其濟小子同未位誕無我責收
 罔勛不及者造德不降我則鳴鳥不聞矧曰其

有能格公曰嗚呼君肆其監于茲我受命無疆
 惟休亦大惟艱告君乃猷裕我不以後人述公
 曰前人敷乃心乃悉命汝作汝民極曰汝明勛
 偶王在會乘茲大命惟文王德丕承無疆之恤
 公曰君告汝朕允保奭其汝克敬以予監于殷
 喪大否肆念我天威予不允惟若茲詰予惟曰
 襄我二人汝有合哉言曰在時二人天休滋至
 惟時二人弗戲其汝克敬德明我俊民在讓後
 人于丕時嗚呼篤棗時二人我式克至于今日
 休我威成文王功于丕怠丕冒海隅出日罔不

謹御辭訓

俾從閔憂也

越於也

率俾公曰。君子不惠若茲多誥。予惟用閔于天。越民公曰。嗚呼。君惟乃知民德亦罔不能厥初。惟其終祗若茲往。敬用治。

蔡仲之命

辟法也

惟周公位冢宰。正百工。羣叔流言。乃致辟管叔于商。囚蔡叔于郭鄰。以車七乘。降霍叔于庶人。三年不齒。蔡仲克庸。祇德周公。以為卿士。叔卒。乃命諸王邦之。蔡王若曰。小子胡惟爾率德。改行克慎。厥猷肆予。命爾侯于東土。往卽乃封。敬哉爾尚。蓋前人之愆。惟忠惟孝。爾乃邁邁自身。克勤無怠。以垂憲乃後。率乃祖文王之彛訓。無若爾考之違王命。皇天無親。惟德是輔。民心無常。惟惠之懷。為善不同。同歸于治。為惡不同。同歸于亂。爾其戒哉。慎厥初。惟厥終。終以不困。不惟厥終。終以困窮。懋乃攸績。睦乃四鄰。以蕃王室。以和兄弟。康濟小民。率自中無作。聰明亂舊。章詳乃視聽。罔以側言。改厥度。則予一人汝嘉。

猷道也

惟思也。左襄二十五年傳引書。惟作敬。

率自猶率由也。

王曰。嗚呼。小子胡。汝往哉。無荒棄朕命。

多方

惟五月丁亥。王來自奄。至于宗周。周公曰。王若

訂正音訓

書經下

〇三十一

麗謂離罪罟也
崇重也

甲狎通鄭云狎也
靈善也

叨他刀反
饋隊利反
欽敬也
剽魚器反

珍亭遍反

絕大也
以字管下四十字

曰猷告爾四國多方。惟爾殷侯尹民。我惟大降爾命。爾罔不知。洪惟圖天之命。弗永寅念于祀。惟帝降格于夏。有夏誕厥逸。不肯感言于民。乃大淫昏。不克終日。勸于帝之迪。乃爾攸聞。厥圖帝之命。不克開于民之麗。乃大降罰。崇亂有夏。因甲于內亂。不克靈承于旅。罔不惟進之恭。洪舒于民。亦惟有夏之民。叨憤日欽。劓割夏邑。天惟時求民主。乃大降顯休命于成湯。刑殄有夏。惟天不界純乃惟。以爾多方之義民。不克永于多享。惟夏之恭。多士大不克明。保享于民。乃胥

簡擇也
刑刑戮也

辟君也

庸用釋舍也

層屢也

集成也

獨吉玄反
潔也

惟虐于民。至于百為。大不克開。乃惟成湯克以爾多方。簡代夏作民主。慎厥麗。乃勸厥民刑。用勸以至于帝乙。罔不明德。慎罰亦克用勸。要囚殄戮多罪。亦克用勸。開釋無辜。亦克用勸。今至于爾辟。弗克以爾多方。享天之命。嗚呼。王若曰。誥告爾多方。非天庸釋有夏。非天庸釋有殷。乃惟爾辟。以爾多方。大淫圖天之命。屑有辭。乃惟有夏圖厥政。不集于享。天降時喪。有邦間之。乃惟爾商後王。逸厥逸。圖厥政。不蠲烝。天惟降時喪。惟聖罔念作狂。惟狂克念作聖。天惟五年。須

與主式用也

曷何也

夾輔也

惠順也

屑亦屢也播棄也

時是也

戰懼也

暇之子孫誕作民主罔可念聽天惟求爾多方
 大動以威開厥顧天惟爾多方罔堪顧之惟我
 周王靈承于旅克堪用德惟與神天天惟式教
 我用休簡界殷命尹爾多方今我曷敢多誥我
 惟大降爾四國民命爾曷不忱裕之于爾多方
 爾曷不夾介乂我周王享天之命今爾尚宅爾
 宅政爾田爾曷不惠王熙天之命爾乃迪屢不
 靜爾心未愛爾乃不大宅天命爾乃屑播天命
 爾乃自作不典圖忱于正我惟時其教告之我
 惟時其戰要囚之至于再至于三乃有不用我

臬魚列及事也法也

忌惡也

時是也

降爾命我乃其大罰殛之非我有周秉德不康
 寧乃惟爾自速辜王曰嗚呼猷告爾有方多士
 暨殷多士今爾奔走臣我監五祀越惟有胥伯
 小大多正爾罔不克臬自作不和爾惟和哉爾
 室不睦爾惟和哉爾邑克明爾惟克勤乃事爾
 尚不忌于凶德亦則以穆穆在乃位克閱于乃
 邑謀介爾乃自時洛邑尚永力政爾田大惟界
 矜爾我有周惟其大介賚爾迪簡在王庭尚爾
 事有服在大僚王曰嗚呼多士爾不克勸忱我
 命爾亦則惟不克享凡民惟曰不享爾乃惟逸

願破多友
多方疑當作多
士

惟願大遠王命則惟爾多方探天之威我則致天之罰離逃爾土王曰我不惟多詰我惟祇告爾命又曰時惟爾初不克敬于和則無我怨

立政

綴丁劣反賈音
奔

周公若曰拜手稽首告嗣天子王矣用威戒于王曰王左右常伯常任準人綴衣虎賁周公曰嗚呼休茲知恤鮮哉古之人迪惟有夏乃有室大競籲俊尊上帝迪知忱恂于九德之行乃敢告教厥后曰拜手稽首后矣曰宅乃事宅乃牧宅乃準茲惟后矣謀面用丕訓德則乃宅人茲

訓順也

越於釐脩也

協和也

醫音閔昏昧之貌差進也

夏式即夏后三宅之法也奄覆也大也

乃三宅無義民桀德惟乃弗作往往是惟暴德罔後亦越成湯陟丕釐上帝之耿命乃用三有宅克即宅曰三有俊克即俊嚴惟丕式克用三宅三俊其在商邑用協于厥邑其在四方用丕式見德嗚呼其在受德醫惟羞刑暴德之人同于厥邦乃惟庶習逸德之人同于厥政帝欽罰之乃俘我有夏式商受命奄甸萬姓亦越文王武王克知三有宅心灼見三有俊心以敬事上帝立民長伯立政任人準夫牧作三事虎賁綴衣趣馬小尹左右攜僕百司庶府大都小伯藝

訓順也

救功字見大誥及洛誥

若順也

未卒也

由又作紬釋音亦險音殲

勸與勵通勉也

語治也

觀顯也

人表臣百司太史尹伯庶常吉士司徒司馬司
 空亞旅夷微盧烝三亳阪尹文王惟克厥宅心
 乃克立茲常事司牧人以克俊有德文王罔攸
 兼于庶言庶獄庶慎惟有司之牧夫是訓用違
 庶獄庶慎文王罔敢知于茲亦越武王率惟救
 功不敢替厥義德率惟謀從容德以並受此丕
 丕基嗚呼孺子王矣繼自今我其立政立事準
 人牧夫我其克灼知厥若丕乃俾亂相我受民
 和我庶獄庶慎時則勿有間之自一話一言我
 則未惟成德之彥以父我受民嗚呼予且已受

人之微言咸告孺子王矣繼自今文王文孫其
 勿誤于庶獄庶慎惟止是父之自古商人亦越
 我周文王立政立事牧夫準人則克宅之克由
 繹之茲乃俾父國則罔有立政用儉人不訓于
 德是罔顯在厥世繼自今立政其勿以儉人其
 惟吉士用勸相我國家今文王文孫孺子王矣
 其勿誤于庶獄惟有司之牧夫其克詰爾戎兵
 以陟禹之迹方行天下至于海表罔有不服以
 觀文王之耿光以揚武王之大烈嗚呼繼自今
 後王之政其惟克用常人周公若曰太史司寇

長成也

蘇公式敬爾由獄以長我王國茲式有慎以列用中罰

周官

庭來庭之義注家皆訓直非也

惟周王撫萬邦巡侯甸四征弗庭綏厥兆民六服羣辟罔不承德歸于宗周董正治官王曰若昔大猷制治于未亂保邦于未危曰唐虞稽古建官惟百內有百揆四岳外有州牧侯伯庶政惟和萬國咸寧夏商官倍亦克用乂明王立政不惟其官惟其人今予小子祗勤于德夙夜不逮仰惟前代時若訓迪厥官立太師太傅太保

速及時是君順也

貳副實敬亮明也

擾馴也

臆音忒

臆大也

茲惟三公論道經邦燮理陰陽官不必備惟其人少師少傅少保曰三孤貳公弘化寅亮天地弼予一人冢宰掌邦治統百官均四海司徒掌邦教敷五典擾兆民宗伯掌邦禮治神人和上下司馬掌邦政統六師平邦國司寇掌邦禁詰姦懲刑暴亂司空掌邦土居四民時地利六卿分職各率其屬以倡九牧阜成兆民六年五服一朝又六年王乃時巡考制度于四岳諸侯各朝于方岳大明黜陟王曰嗚呼凡我有官君子欽乃攸司慎乃出令令出惟行弗惟及以公滅

迷錯也

言正音訓

書經前

私民其允懷學古入官議事以制政乃不迷其
 爾與常作之師無以利口亂厥官蓄疑敗謀怠
 忽荒政不學牆面莅事惟煩戒爾卿士功崇惟
 志業廣惟勤惟克果斷乃罔後艱位不期驕祿
 不期侈恭儉惟德無載爾偽作德心逸日休作
 偽心勞日拙居寵思危罔不惟畏弗畏入畏推
 賢讓能庶官乃不和政厯舉能其官惟爾之
 能稱匪其人惟爾不任王曰嗚呼三事暨大夫
 敬爾有官亂爾有政以佑乃辟永康兆民萬邦
 惟無斁

載事也

厯莫江反亂也

有二字發聲

斁音亦厭也

君陳

施移通有發聲
尹正也

王若曰君陳惟爾令德孝恭惟孝友于兄弟克
 施有政命汝尹茲東郊敬哉昔周公師保萬民
 民懷其德往慎乃司茲率厥常懋昭周公之訓
 惟民其乂我聞曰至治馨香感于神明黍稷非
 馨明德惟馨爾尚式時周公之猷訓惟日孜孜
 無敢逸豫凡人未見聖若不克見既見聖亦不
 克由聖爾其戒哉爾惟風下民惟草圖厥政莫
 或不艱有廢有興出入自爾師虞庶言同則綽
 爾有嘉謀嘉猷則入告爾后于內爾乃順之于

自從師衆虞度
綽尋也

訂正音訓

書經下

一〇三三

辟刑法也

徂女九反習也

外曰斯謀斯猷惟我后之德嗚呼臣人咸若時
惟良顯哉王曰君陳爾惟弘周公丕訓無依勢
作威無倚法以削寬而有制從容以和殷民在
辟予曰辟爾惟勿辟予曰宥爾惟勿宥惟厥中
有弗若于汝政弗化于汝訓辟以止辟乃辟徂
于茲克敗常亂俗三細不宥爾無忿疾于頑無
求備于一夫必有忍其乃有濟有容德乃大簡
厥修亦簡其或不修進厥良以率其或不良惟
民生厚因物有遷違上所命從厥攸好爾克敬
典在德時乃罔不變允升于大猷惟予一人膺

受多福其爾之休終有辭於永世

顧命

惟四月哉生魄王不懌甲子王乃洮頰水相被
冕服憑玉几乃同召太保奭芮伯彤伯畢公衛
侯毛公師氏虎臣百尹御事王曰嗚呼疾大漸
惟幾病日臻既彌留忍不獲誓言嗣茲予審訓
命汝昔君文王武王宜重光負麗陳教則肄肄
不違用克達殷集大命在後之侗敬迓天威嗣
守文武大訓無敢昏逾今天降疾殆弗興弗悟
爾尚明時朕言用敬保元子釗弘濟于艱難柔

洮音叨洗手也頰音誨洗面也

芮如銳反彤徒冬反

漸進篤也幾危殆也

嗣嗣王也

奠定也麗見多方呂刑謂離罪罟也肆以至及習也

集成也侗音同愚也迓迎也

釗音昭

訂正籍訓

書經

卷七

冒犯貢進也

按爰於也助語
盤庚綴爰有衆
同句法

延引也

須取也黼音甫
展音倚黼音酉

覆莫結反

琬於阮反琬以
冉反

琬音求韻音奔

兗徒外反

弁音便惠三隅
矛也慕音共

配音士

綖音遠

銳當作鈇音允

階升也

瑱音冒

遠能適安勸小大庶邦思夫人自亂于威儀爾
 無以釗冒貢于非幾茲既受命還出綴衣于庭
 越翼日乙丑王崩太保命仲桓南宮毛倕爰齊
 侯呂伋以二千戈虎賁百人逆子釗於南門之
 外延入翼室恤宅宗丁卯命作冊度越七日癸
 酉伯相命士須材狄設黼展綴衣牖間南嚮敷
 重篋席黼純華玉仍几西序東嚮敷重底席綴
 純文貝仍几東序西嚮敷重豐席畫純雕玉仍
 几西夾南嚮敷重筍席玄紛純漆仍几越玉五
 重陳寶赤刀大訓弘璧琬琰在西序大玉夷玉

天球河圖在東序胤之舞衣大貝鼓鼓在西房
 兗之戈和之弓垂之竹矢在東房大輅在賓階
 面綴輅在阼階面先輅在左塾之前次輅在右
 塾之前一人雀弁執惠于畢門之內四人綦
 弁執戈上刃夾兩階配一人冕執劉于東堂
 一人冕執鉞于西堂一人冕執綏于東垂
 一人冕執瞿于西垂一人冕執銳于側階
 王麻冕黼裳由賓階階齊卿士邦君麻冕纁裳入
 卽位太保太史太宗皆麻冕形裳太保承介圭
 上宗奉同珪由阼階階齊太史秉書由賓階階御

下音弁

眇彌小及而如亂治也

咤陟駕反

濟才細反

王冊命曰皇后憑玉几道揚末命命汝嗣訓臨
 君周邦率循天下燮和天下用答揚文武之光
 訓王再拜興答曰眇眇予末小子其能而亂四
 方以敬忌天威乃受同珥王三宿三祭三咤上
 宗曰饗太保受同降盥以異同秉璋以酢授宗
 人同拜王答拜太保受同祭濟宅授宗人同拜
 王答拜太保降收諸侯出廟門俟

康王之誥

王出在應門之內太保率西方諸侯入應門左
 畢公率東方諸侯入應門右皆布乘黃朱實稱

義宜也

美古誘通故訓導也說文云進善也

底至齊釋文馬讀絕句

奉圭兼弊曰一二臣衛敢執壤奠皆再拜稽首
 王義嗣德答拜太保暨芮伯咸進相揖皆再拜
 稽首曰敢敬告天子皇天改大邦殷之命惟周
 文武誕受美若克恤西土惟新陟王畢協賞罰
 戡定厥功用敷遺後人休今王敬之哉張皇六
 師無壞我高祖寡命王若曰庶邦侯甸男衛惟
 予一人釗報誥昔君文武丕平富不務咎底至
 齊信用昭明于天下則亦有熊羆之士不二心
 之臣保乂王家用端命于上帝皇天用訓厥道
 付畀四方乃命建侯樹屏在我後之人今予一

詩正音義
胥相暨與也

鞠居六反蓋耻也鞠子稚子也

二伯父尚胥暨顧綏爾先公之臣服于先王雖爾身在外乃心罔不在王室用奉恤厥若無遺鞠子羞羣公既皆聽命相揖趨出王釋冕及喪服。

畢命

胙普尾反

保安也釐方利反理也

愆謹也

惟十有二年六月庚午胙越三日壬申王朝步自宗周至于豐以成周之衆命畢公保釐東郊王若曰嗚呼父師惟文王武王敷大德于天下用克受殷命惟周公左右先王綏定厥家懿殷頑民遷于洛邑密邇王室式化厥訓既歷三紀

單變更也

痺丁但反病也樹立也

世變風移四方無虞予一人以寧道有升降政由俗革不臧厥臧民罔攸勸惟公懋德克勤小物弼亮四世正色率下罔不祗師言嘉績多于先王子小子垂拱仰成王曰嗚呼父師今予祗命公以周公之事往哉旌別淑慝表厥宅里彰善癉惡樹之風聲弗率訓典殊厥井疆俾克長慕申畫郊圻慎固封守以康四海政貴有恒辭尚體要不惟好異商俗靡靡利口惟賢餘風未殄公其念哉我聞曰世祿之家鮮克由禮以湯陵德實悖天道敝化奢麗萬世同流茲殷庶士

諸事備論
席馮藉也傍枯
爪反田以也

席寵惟舊。恬侈滅義。服美于人。驕淫於俗。將由
惡終。雖敗。放心閑之。惟艱。資富能訓。惟以永年。
惟德惟義。時乃大訓。不由古訓。于何其訓。王曰。
嗚呼。父師邦之安危。惟茲殷士。不剛不柔。厥德
允修。惟周公克慎厥始。惟君陳克和厥中。惟公
克成厥終。三后協心。同底于道。道洽政治。澤潤
生民。四夷左社。罔不成賴。予小子永膺多福。公
其惟時。成周建無窮之基。亦有無窮之聞。子孫
訓其成式。惟父嗚呼。罔曰弗克。惟既厥心。罔曰
民寡。惟慎厥事。欽若先王。成烈以休于前政。

膺受也

時是也。團音問

訓順既盡也

君牙

王若曰。嗚呼。君牙。惟乃祖乃父。世篤忠貞。服勞
王家。厥有成績。紀于太常。惟予小子。嗣守文武
成康遺緒。亦惟先王之臣。克左右亂四方。心之
憂危。若蹈虎尾。涉于春冰。今命爾予。翼作股肱。
心膂。績乃舊服。無忝祖考。弘敷五典。式和民則。
爾身克正。罔敢弗正。民心罔中。惟爾之中。夏暑
雨。小民惟曰。怨咨。冬祈寒。小民亦惟曰。怨咨。厥
惟艱哉。思其艱。以圖其易。民乃寧。嗚呼。丕顯哉。
文王謨。丕承哉。武王烈。啓佑我後人。咸以正罔

式敬也

謨謀也

式法也
辟君也

罔九永反

怵勅律反惕他
歷反厲危也

辟君也

繩直糾正格亦
正也

便婢絲友辟匹
亦反

昵親近也愜息
廉反迺導也

深病也

荒廢法度
也朱子語錄引
燕氏解甚有理
云蔡注亦引因
考燕讀耆為句

缺爾惟敬明乃訓用奉若于先王對揚文武之
光命追配于前人王若曰君牙乃惟由先正舊
典時式民之治亂在茲率乃祖考之攸行昭乃
辟之有父

罔命

王若曰伯罔惟予弗克于德嗣先人宅丕后怵
惕惟厲中夜以興思免厥愆昔在文武聰明齊
聖小大之臣咸懷忠良其侍御僕從罔匪正人
以旦夕承弼厥辟出入起居罔有不欽發號施
令罔有不臧下民祇若萬邦咸休惟予一人無

良實賴左右前後有位之士匡其不及繩愆糾
謬格其非心俾克紹先烈今予命汝作大正正
于羣僕侍御之臣懋乃后德交修不逮慎簡乃
僚無以巧言令色便辟側媚其惟吉士僕臣正
厥后克正僕臣諛厥后自聖后德惟臣不德惟
臣爾無昵于儉人充耳目之官迪上以非先王
之典非人其吉惟貨其吉若時瘝厥官惟爾大
弗克祗厥辟惟予汝辜王曰嗚呼欽哉永弼乃
后于彜憲

呂刑

謂通論謂

荒屬下極是然引益綴以荒訓大非與此文法自異詰窮制之義其赤之反

通殺也靈善也鷓尺之反虞劇也麗離也差別也泯武盡反禁芳云反

刑屬上燕云無德刑之香也

重直龍反黎力兮反

折斷也墨子作哲

殷盛也

裴輔釋常訖盡也

播布迪道也

麗即上麗刑之麗觀視也

訂正審則

惟呂命王享國百年

惟呂命王享國百年。孝荒度作刑以詰四方。王

曰。若古有訓。蚩尤惟始作亂。延及于平民。罔不

寇賊。鴟義姦宄。奪攘矯虔。苗民弗用靈制。以刑

惟作五虐之刑。曰法。殺戮無辜。爰始淫為劓剕。

椽黥。越茲麗刑。并制罔差。有辭。民興胥漸。泯泯

焚焚。罔中于信。以覆詛盟。虐威庶戮。方告無辜。

于上。上帝監民。罔有馨香德刑。發聞惟腥。皇帝

哀矜庶戮之不幸。報虐以威。遏絕苗民。無世在

下。乃命重黎。絕地天通。罔有降格。羣后之逮在

下。明明。裴常。鰥寡無蓋。皇帝清問下民。鰥寡有

辭。于苗德威。惟畏德明。惟明乃命三后。恤功于

民。伯夷降典。折民惟刑。禹平水土。主名山川。稷

降播種。農殖嘉穀。三后成功。惟殷于民。士制百

姓于刑之中。以教祗德。穆穆在上。明明在下。灼

于四方。罔不惟德之勤。故乃明于刑之中。率乂

于民。裴彝典獄。非訖于威。惟訖于富。敬忌罔有

擇言在身。惟克天德。自作元命。配享在下。王曰。

嗟。四方司政典獄。非爾惟作天牧。今爾何監。非

時。伯夷播刑之迪。其今爾何懲。惟時苗民匪察。

于獄之麗。罔擇吉人。觀于五刑之中。惟時庶威

于獄之麗。罔擇吉人。觀于五刑之中。惟時庶威

于獄之麗。罔擇吉人。觀于五刑之中。惟時庶威

訂正審則

四十一

誦正諧訓
獨音涓潔也

格來也

慰安撫之謂

畏威古通威辟
之也休宥之也

及逮也

疵病也

緩戶關及閱音
悅

判扶謂反
差側加反

屬類也

楷差也

奪貨斷制五刑以亂無辜上帝不蠲降咎于苗
苗民無辭于罰乃絕厥世王曰嗚呼念之哉伯
父伯兄仲叔季弟幼子童孫皆聽朕言庶有格
命今爾罔不由慰日勤爾罔或戒不勤天齊于
民俾我一日非終惟終在人爾尚敬逆天命以
奉我一人雖畏勿畏雖休勿休惟敬五刑以成
三德一人有慶兆民賴之其寧惟永王曰吁來
有邦有土告爾祥刑在今爾安百姓何擇非人
何敬非刑何度非及兩造具備師聽五辭五辭
簡孚正于五刑五刑不簡正于五罰五罰不服

正于五過五過之疵惟官惟反惟內惟貨惟來
其罪惟均其審克之五刑之疑有赦五罰之疑
有赦其審克之簡孚有衆惟貌有稽無簡不聽
具嚴天威墨辟疑赦其罰百錢閱實其罪劓辟
疑赦其罰惟倍閱實其罪判辟疑赦其罰倍差
閱實其罪宮辟疑赦其罰六百錢閱實其罪大
辟疑赦其罰千錢閱實其罪墨罰之屬千劓罰
之屬千判罰之屬五百宮罰之屬三百大辟之
罰其屬二百五刑之屬三千上下比罪無僭亂
辭勿用不行惟察惟法其審克之上刑適輕下

訂正諧訓

書經下

卷之四

服下刑適重上服輕重諸罰有權刑罰世輕世

重惟齊非齊有倫有要罰懲非死人極于病非

佞折獄惟良折獄罔非在中察辭于差非從惟

從哀敬折獄明啓刑書胥占咸庶中正其刑其

罰其審克之獄成而孚輸而孚其刑上備有并

兩刑王曰嗚呼敬之哉官伯族姓朕言多懼朕

敬于刑有德惟刑今天相民作配在下明清于

單辭民之亂罔不中聽獄之兩辭無或私家于

獄兩辭獄貨非寶惟府辜功報以庶尤永畏惟

罰非天不中惟人在命天罰不極庶民罔有令

極卽下文五極之極也

府聚也

亂治也

成定也

巨考也

政在于天下王曰嗚呼嗣孫今往何監非德于
民之中尚明聽之哉哲人惟刑無疆之辭屬于
五極咸中有慶受王嘉師監于茲祥刑

文侯之命

王若曰父義和丕顯文武克慎明德昭升于上

敷聞在下惟時上帝集厥命于文王亦惟先王

克左右昭事厥辟越小大謀猷罔不率從肆先

祖懷在位嗚呼閔予小子嗣造天丕愆殄資澤

于下民侵戎我國家純卽我御事罔或者壽俊

在厥服予則罔克曰惟祖惟父其伊恤朕躬嗚

越於也

懷安悶痛傷也
造初殄絕愆譴

純大也

肇始辟君也

祖音巨音暢
音四形徒冬
反

呼有績予一人。永綏在位。父義和。汝克昭乃顯。祖汝肇刑。文武用會。紹乃辟。追孝于前文人。汝多修。并我于艱。若女子。嘉王曰。父義和。其歸視爾師。寧爾邦。用賚爾。拒鬯一卣。彤弓一。彤矢百。盧弓一。盧矢百。馬四匹。父往哉。柔遠能迓。惠康小民。無荒寧。簡恤爾都。用成爾顯德。

費誓

祖往者也。茲此也。音聊。縫完也。絞音矯。猶繫也。音的。至也。鈞音大也。特工。毒反。擗華化反。攬

公曰。嗟人。無譁聽命。祖茲。淮夷徐戎並興。善敘乃甲冑。敵乃干無敵。不弔備乃弓矢。鍛乃戈矛。礪乃鋒刃。無敢不善。今惟淫。舍牲牛馬。杜乃攬。

檻也。絞乃結反。塞也。痾疾性反。

風逸也。通布吳反。商度也。

時直里反。具也。去九反。

芻初具反。芻音交。

斂乃穽。無敢傷犴犴之傷。汝則有常刑。馬牛其風。臣妾逋逃。勿敢越逐。祇復之。我商賚汝。乃越逐。不復。汝則有常刑。無敢寇攘。踰垣墻。竊馬牛。誘臣妾。汝則有常刑。甲戌我惟征。徐戎時乃糗糧。無敢不逮。汝則有大刑。魯人三郊三遂。時乃楨榦。甲戌我惟築。無敢不供。汝則有無餘刑。非殺魯人三郊三遂。時乃芻芻。芻芻。大刑。

秦誓

公曰。嗟我士。聽無譁。予誓告汝羣言之首。古人

訖盡盤安也

忌疾姑且也

愆過也

番番通音波旅
與齊通也許乞

截才節反編與
辨通
皇大也介大學
作个獨於綺反
大學作兮

是大學作寔

有言曰民訖自若是多盤責人斯無難惟受責
 俾如流是惟艱哉我心之憂日月逾邁若弗云
 來惟古之謀人則曰未就予忌惟今之謀人姑
 將以為親雖則云然尚猷詢茲黃髮則罔所愆
 番番良士旅力既愆我尚有之伉伉男夫射御
 不違我尚不欲惟截截善諷言俾君子易辭我
 皇多有之昧昧我思之如有一介臣斷斷荷無
 他技其心休休焉其如有容人之有技若已有
 之入之彥聖其心好之不啻如自其口出是能
 容之以保我子孫黎民亦職有利哉人之有技
 冒疾以惡之人之彥聖而違之俾不違是不能
 容以不能保我子孫黎民亦曰殆哉邦之杌隉
 曰由一人邦之榮懷亦尚一人之慶

曰語辭杌五骨
反隉五結反
懷安也

書經終

--	--	--	--	--	--	--	--	--	--

[Blank page with a small mark near the top center]

